

別云若不再勸難以結款

舉日容遠和尚因歲上座參容拊掌三下云猛虎當軒誰是敵者歲云俊到冲天阿誰捉得容云彼此難當歲云且休未斷者公案容將主丈舞歸方丈歲無語容云死却者漢也

別云贏我一著

舉歲上座到百丈丈云閣梨有事相借問得麼歲云幸自非言何須諮證丈云收得安南又憂塞北歲擘開胸云與麼不與麼丈云要且難構要且難構歲云知即得知即得

別云山長水遠人面獸心

舉西院思明和尚未住時在許州聞汝州南院出世元與同參遂特去人事了云某甲啓和尚無可人事自許州來收得江西剃刀一柄上和尙院云汝從許州來爲甚却有江西剃刀明遂於院手上招一招院云侍者收明以衣袖一拂便行院云阿喇喇阿喇喇

別云容款曲叙舊

舉廓侍者因華嚴上堂今日賜卿無畏若是臨際德山高亭大愚鳥窠船子兒孫不用如何若何便請單刀直入華嚴與汝證據廓便出作禮起便喝嚴亦喝

廓又喝嚴又喝廓禮拜起云大衆看者漢一場敗闕
又喝一喝拍手歸衆華嚴歸方丈時風穴充維那上
問訊嚴云浙客耐耐者守廓今日把老僧搗勞如今
集衆打一頓趁出穴云趁他遲也況和尚言太過道
單刀直入他是臨際兒孫本分與麼嚴方息怒穴下
來與廓說是事廓云爾著甚來由勸者老漢我未問
前早耍棒喫得我話行如今不打我搗却我者話不
行穴云此話已行也

別風穴云廓兄爾也秤椎裏覓甚麼汁

舉藥山因僧問平田淺草塵鹿成羣如何射得塵中

塵山云看箭僧便放身倒山云侍者拖出僧便走山
云弄泥團漢有甚麼限

別云古屋裏難以獨居

舉長髭曠和尚問僧甚處來僧云九華山控石庵髭
云庵主是甚麼人云馬祖下尊宿云名甚麼云不委
他法號髭云他不委爾不委云尊宿眼在甚處髭云
若是庵主親來今日也須喫棒僧云賴遇和尚放過
某甲髭云百年後討箇師僧也難得

別云胡人入漢

舉洞山問僧甚處去來僧云遊山來山云還到頂麼

唐堂錄代別
僧云到山云頂上有人否僧云無人山云爾不到頂云若不到爭知無人山云闍梨何不且住僧云某甲住則不辭西天有人不肯在

別云住則不辭相識者少

舉雲居膺和尚因成尙書送供至問如來有密語迦葉不覆藏此理如何居召尙書書應喏居云會麼書云不會居云若不會如來有密語若會迦葉不覆藏別尙書不會處云我無此心必無此報
舉鹿門真和尚因韶國師到問近離甚處云谷隱夜宿龐居士巖門云五眼之中那箇是正眼云久嚮鹿

門門云者一片田地干爾甚事國師云話頭何在

別國師云飢不暇擇食

舉龍冊怱和尚因僧引一童子到云此兒子常愛問佛法請和尚驗看冊令點茶來喫了過盞與童子擬接冊却縮手云還道得麼子云問將來從容僧問此童子見解如何冊云只是一生兩生持戒僧

別云和者僧一道打

舉羅山一日侍巖頭遊山次忽然喚云和尚頭云作麼山乃近前作禮問和尚豈不是三十年前在洞山又不肯洞山頭云是山云豈不是法嗣德山又不肯

德山頭云是山云不肯德山即不問只如洞山有甚
虧闕處頭良久云洞山好佛只是無光山便作禮
別巖頭云他忌觸諱

代別一百則

槐安國語

舉淨居於窻牖中叉手
舉爾時迦葉告諸比丘佛已茶毗金剛舍利非我等
事我等宜當結集正法無令斷絕
舉行思禪師問希遷云汝什麼處來云曹谿來思乃
舉拂子云曹谿還有這箇麼云非但曹谿西天亦無
思云子莫曾到西天否云若到即有也思云未得更
道云和尚也須道取一半莫全靠學人思云不辭向
汝道恐已後無人承當

舉魯祖山寶雲禪師因僧問如何是言不言雲云汝口在什麼處僧云無口雲云將什麼喫飯僧無對洞山代云他不飢喫什麼飯

舉瀉山因仰山問如何是西來意瀉云大好燈籠仰云莫只這箇便是麼瀉云這箇是什麼仰云大好燈籠瀉云果然不識

舉江州龍雲臺禪師因僧問如何是祖師西來意臺云老僧昨夜欄裏失却牛

舉僧伽難提知衆生慢乃曰世尊在日世界平正無有丘陵江河溝洫水悉甘美草木滋茂國土豐盈無

八苦行十善自雙樹示滅八百餘年世界丘墟樹木枯悴人無至信正念輕微不信真如唯愛神力言訖以右手漸展入地至金剛輪際取甘露水以琉璃器持至會所大衆見之即時欽慕悔過作禮師著語云拈得也未

舉迦耶舍多尊者領徒到一舍舍主鳩摩羅多問云是何徒衆尊者云是佛弟子羅多聞佛號心神悚然即時閉戶尊者良久自扣其門羅多云此舍無人尊者云答無者誰羅多聞語知是異人遽開關延接舉梵摩淨德云弟子衰老不能事師願捨次子以令

出家

舉不如蜜多聞偈再啓祖云法衣宜可傳受祖云此衣爲難故假以證明汝身無難何假其衣密多聞語作禮而退

舉大隨問僧什麼處去僧云禮普賢去隨舉拂子云文殊普賢總在這裏僧作圓相拋向背後乃展兩手隨云侍者取一貼茶與這僧

舉三角總印云若論此事貶上眉毛早已蹉過也麻谷便問貶上眉毛卽不問如何是此事角云蹉過也谷乃掀禪床角打之谷無語

舉京兆米和尚因有老宿問月中斷并索時人喚作蛇未審七師見佛喚作什麼米云若有佛見卽同衆生宿云千年桃核師別米和尚驚口一拳

舉百丈涅槃和尚一日謂衆云汝爲我開田我爲爾說大義僧衆開田竟請和尚說大義百丈便展開兩手

舉平田普岸禪師因有僧到參平田打一拄杖其僧近前把住拄杖平田云老僧適來造次僧却打平田一拄杖平田云作家作家僧禮拜平田把住云是闍梨造次僧大笑平田云這箇師僧今日大敗也

舉大慈山寰中禪師住菴時南泉至問如何是菴中
主寰云蒼天蒼天泉云蒼天且置如何是菴中主寰
云會即便會莫切切南泉拂袖而出
舉慧忠國師與紫璘供奉論義既升座供奉云請師
立義某甲破忠云立義竟供奉云是什麼義忠云果
然不見非公境界便下座
舉霍山和尚聞秘魔岩和尚凡有僧到禮拜以木叉
叉著霍山一日遂往訪之才見不禮拜直入秘魔懷
裡秘魔拊霍山背三下霍山起拍手云此老一千里
地賺我來便回

舉雲門上堂云遇人卽鼻孔遼天師云堪笑這老漢
赤脚上刀山披毛入火聚其爭柰解笑底也少
舉僧問雲門如何是透法身句門云北斗裏藏身師
云衆生若非法身卽非衆生法身若非衆生亦非法
身透之一字因誰致得直饒是北斗裏藏身可謂首
羅三日似伊字
舉雪竇示衆云譬若二龍爭珠有爪牙者不得或有
衲僧問既是有爪牙者爲什麼不得請大衆爲雪竇
下一轉語師云其貧不學儉富不學奢此是俗漢之
陋韻却可謂知言也且問諸人二龍爪牙孰與雪竇

爪牙他既爭珠不得之這老爭箇什麼而不得請各
下一轉語

舉臨濟令侍者傳語德山侍者云德山要打人濟云
汝但去待伊拈棒接住與一送管取不打汝侍者依
所教果然不打歸舉似臨濟濟云我從來疑著者漢
師云蓋是作者動止神鬼難測一人向海枯終見底
處坐斷千聖之頂額一人向人死不知心處瞎却衲
子之眼睛可貴可賤
舉雪竇一日問僧汝浴未僧云某甲此生不浴竇云
爾不浴圖箇什麼僧云今日被和尚勘破竇云賊不

打貧兒家師拈云雪竇老漢才兼文武出將入相今
日遭拈出一口鈇刀子高豎降旗諸人要識雪竇麼
一種是聲無限意有堪聽有不堪聽

舉風穴因僧問如何是清涼山中主穴云一句不遑
無著問迄今猶作野盤僧師云古人恁麼答褒清涼
主貶清涼主若是道褒因什麼有不遑無著問之句
若也道貶他有箇什麼過道不褒不貶風穴何必有
恁麼語話無端觸著獅子哮吼

67
371

不許複製

大正五年拾壹月壹日印刷
大正五年拾壹月拾五日發行

非賣品

塗毒鼓臭書

編輯者 藤田 立路

發行兼
印刷者

貝葉書院
河村 泰太郎

京都市上京區二條通木屋町四ノ入
樋之口町拾貳番戶

終

